



**Kalaallit Nunatsinni silaannaap allanngoriartornera pillugu periusissiamik pisariaqartitsineq pillugu apeqqueteqaat aallaavigalugu oqallinnissamut siunnersuut. Silaannaap pissusaata allanngoriartornera pillugu periusissiornikkut periusissiaasimasut sammisat ilaasa maannakkumut naapertuuttut katersorneqarsinnaanerata pillugu apeqqueteqaat aallaavigalu oqallisissiaq.**

(Inuit Ataqatigiit, Inatsisartunut ilaasortaataat)

Kalaallit Nunatsinni silaannaap allanngoriartornera pillugu periusissiamik pisariaqartitsineq pillugu apeqqueteqaat aallaavigalugu oqallinnissamut siunnersuut Inuit Ataqatigit Inatsisartunut ilaasortaataanniit saqqummiunneqartoq Patii Naleqqamiit ilassilluarparput.

Silaannaap allanngoriartornera pillugu Nunarsuarput tamakkerlugu nunat assigiinngitsut akornanni ataatsimeersuarnerpassuit suliniuterpassuillu ingerlanneqarput aammalu ilisaimatoorpasuit ilisimatuussutikkut misissuinerpassuarnik ingerlatsillutik.

Nunarsuup issittortaa silaannaap allanngoriartorneranik equgaanerpaatut oqaatigineqartarpoq, minnerunngitsumi issittumi sermersuit aakkiartupiloornerat pissutigalgu, uagullu Kalaallit Nunatsinni sermersuaqaratta nunagalugu najorlugulu soorunami silaannaap allanngoriartornerata sunniutai toqqaannartumik inuttut misigisarpavut, naak ulluinnarniinuunitsinni oqaluuseriuannanngikaluarlugit.

Silaannaap allnngoriartorneranik sermersuarput aakkiartupiloorpoq, tamatumalu kingunerisaanik nunatarsuit nutaat qaqqat nutaat nuisarput, sinerissami kangerluit nutaat nuisarput, imartatta silaannaallu kissatsikkiartornerisa sarfallu ingerlaarfiisa allanngornerinik pisuussutitsinnut uumassusilinnut annertuumik sunniuteqarput ilaatigut uumasut ilannut ajoqutaasumik ilaannullu aamma iluaqutaasumik. Soorlu taasinnaavagut puisit Natsiit sikumik pinngitsuuisinnaanngitsut kangerlunni sikussaapajaartuni takussaajunnaapajaarput, Nannut ingerlaartut nunarput tamakkerlugu takussaalerput inoqafiillu iæarpasuini ajornartorsiutaasalerlutik. Aap, nunatsinni pinikkatigut atugarisavut allanngoriartorput, taamaatumalu kingunerisaanik piniartortavut eqqugaallutik, aammalu pinartortatta eqqugaanerata annikinnerlinngilaq nunatsinni piniarnikkut killilersuisnerujusuaq pissutigalugu, naak piniagarpasuit nungutaanissaminnik uloriaartorsiunngikkaluartut.

Silaannaap allanngoriartornerata kingunerisaanik immallu sarfaasa allanngorarnerannik aamma aalisakkatigut pisussutitsinnut sunniuteqarpoq, aalisakkat ilaannut ajunngitsumik sunniteqarpoq aamali aalisakkat ilaannut soorlu issittup aalisagaannut qaleralinnut sunniutipilussinnaalluni. Taamaammat aalisarnikkut pissiutsit malinnaaffigeqqissaarne-



partii naleraq

qartariaqarput ilisimatussikkut malinnaqqissaartitsinikkut, aamlau aalisartut ilisimaligaasa nutaat atorluarnerisigut.

Aamma eqqaamassavarput Kalaallit Nunatsinni nuap qeriuannartup anneratigut nunap ilusaata allanngoriartornera ingerlammat, soorlu nunat sisoorersui inoqarfinnik ulorianartorsiortitsisartut ajunaarnersuarnillu pisoqarfoiusalereersut eqqaamassavagut, taamatullu sanaartornikkut susnnoitissat ajortut ajunngitsullu aamma malinnaafigeqqissaarneqartariqarput nalunaarsorneqarlutillu.

Partii Naleqqamiit pingaartorujussuartut isigaarput silaannaap allanngoriartornera pissutigalugu nunatsinnut inuinnullu pitsaaqutit ajoqutillu nalunaarsorneqarnisaat aammalu nunatsinnut inuinnullu silaannaap allanngoriartornerata kingunerisaanik periarfissat nutaat pilereersut pilersinnaasullu nalunaarsorneqarnissaat periusissaliornermut ilannullugit suliarinqassasut.

Oqallisissiamik siunnersuuteqartut isumaqatigaavut silaannaap allanngoriartornera pillugu Kalaallit Nunatsinni periusissaliornissamik ujatuineranni. Partii naleqqamiit isumaqarpugut pissusissanmsuussasooq uagut nammineerluta issittormiuulluta sorpassuartigut silaannaap allanngorneranik eqqugaalluta pisariqartoq nunarput inuiaqatigiillu pillugit periusissaliornissarput, soorunami paasissutissarpasuit katersorneqartut, nalunaarusiarpasuit suliarineqarsimasut, nutaallu pisariqartumik suliaritissinnaasavut tamaasa aallaavigalugit ppeiusissiaq susliarisinnaavarput aamma nunat allat qanimut suleqatigisavut sanilivullu suleqatigalugit. Aamma Kattuffiit assigiinngitsut Nunatsinni nammineerluta pigisavut suleqatigineqassapput, Nunat vannarliit killiit suleqatigaavut, Nunat avannarliit suleqatigaavut, nunat issittumiittut suleqatigiiffianni peqataavugut, EU-mik isumaqatigissuteqarnikkut suleqateqarpugut, Nunat assigiinngitsut nunatsinni aallartitaqarfeqarput, uagut nunani assigiinngitsuni aallartitaqarfeqarpugut aamma Danskit aallrtitaqarfii suleqatigalugit.

Minnerunngitsumik ICC – Inuit suleqatigiiffippit atorluarlugu issittumi nunatsinnilu silaannaap allanngoriartornera pillugu periusissaliornitsinni suleqatigalugu ingerlaqqittariqarpugut aammalu taamaaliorniarnepit pillugu FN ilisimatinneqartariqarpoq, suliamillu ingerlatsinitsinni paaseqatigalugu suleqatigalugu.

Partii Naleqqamiit pisorpassuarnut malinnaaniarsariuarpuq naak Partii mikisunnguugaluarluta, taamaamat sorpassuarnut sunniuteqarluta susleqataasinnaanerpit anguniartuarparput, aamma taamaaliortuassaagut ilisimasatta amerluartortuarnissaat anguniarlugu. Aamma inuit assigiinngitsunik ilisimasallit suleqatigillu artarpavut taakkulu suleqatigalugit aamma nutaat takkuttartut suleqatigalugit ilisimalikkavut ammerliartortissavagut.

Taamannak oqaaseqarluta oqallisissiamik saqqummiussisut qutsavigalugit taperserpavut.